

UGOVOR LOT 1 - NAMJEŠTAJ

Zaključen dana 26.12.2019. godine u Sarajevu između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, ID broj: 4200556690000, koju zastupa direktor Tarik Smailbegović / u daljem tekstu: **Naručilac** /
- i
2. **“STEEL” d.o.o. Zenica**, sa sjedištem u Zenici, ulica Đerzelezova 40, ID broj: 4218892290008, koju zastupa direktor Faruk Avdić / u daljem tekstu: **Dobavljač** /

PREDMET UGOVORA

Član 1.

Predmet ovog ugovora je nabavka i ugradnja namještaja prema Ponudi Dobavljača broj: 55-2/19 od 05.12.2019. godine, koja je sastavni dio ovog Ugovora.

CIJENA

Član 2.

Vrijednost Ugovora je određena Ponudom Dobavljača, a nakon provedene e-aukcije iznosi:

- Cijena bez PDV-a: **6.992,00 KM**;
- PDV (17%): **1.188,64 KM**;
- Cijena sa PDV-om **8.180,64 KM**.

USLOVI I NAČIN PLAĆANJA

Član 3.

Naručilac se obavezuje da Dobavljaču izvrši plaćanje isporučene i ugrađene robe prema uslovima navedenim u Ponudi Dobavljača broj: 55-2/19 od 05.12.2019. godine i to na odgovarajući transakcijski račun Dobavljača koji će biti naznačen na fakturi. Plaćanje će se izvršiti u skladu sa trezorskim sistemom plaćanja Ministarstva finansija Kantona Sarajevo, na žiro račun ponuđača koji je dostavljen u ponudi ili koji je naznačen na fakturi. Ugovorni organ se obavezuje da će obaveze plaćanja predmetne nabavke u 100% iznosu izvršiti nakon obostranog potpisivanja ugovora, a po dostavljenom predračunu dobavljača, najkasnije do 31.12.2019. godine, iz sredstava odobrenih budžetom za 2019. godinu sa pozicije - 8213.

ROK ISPORUKE I UGRADNJE

Član 4.

Dobavljač se obavezuje na isporuku i ugradnju namještaja na adresi Naručioca: KJU Dom za djecu bez roditeljskog staranja, Bjelave 52 i Kuća za mlade, Blagovac 118 i to u roku od 60 dana od dana obostranog potpisivanja ovog Ugovora.

Do dana potpisivanja zapisnika o primopredaji (do dana obostranog potpisivanja zapisnika o kvantitativnom prijemu predmeta nabavke bez primjedbi) rizik slučajne propasti ili oštećenja

predmetne nabavke snosi Dobavljač, a nakon toga rizik prelazi na Naručioca. Rizik ne prelazi na Naručioca ako je isti zbog nekog nedostatka nabavke raskinuo ugovor ili tražio zamjenu predmeta nabavke.

ODGOVORNOST ZA MATERIJALNE I PRAVNE NEDOSTATKE

Član 5.

Dobavljač odgovara za materijalne nedostatke stvari koje je ista imala u času prelaska rizika na Naručioca bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaska rizika na Naručioca ako su posljedica uzroka koji je postojao prije toga. Neznatan materijalni nedostatak ne uzima se u obzir, a šta se pod neznatnim materijalnim nedostatkom podrazumjeva zajednički komisijski utvrđuju Naručilac i Dobavljač. U obavijesti o nedostatku stvari Naručilac je dužan opisati nedostatak i pozvati Dobavljača da izvrši uvid. Nedostatak postoji ako ugovorena i isporučena roba nemaja svojstva i odlike koje su izričito određene ovim ugovorom i tenderskom dokumentacijom. Dobavljač odgovara i za nedostatke koje je Naručilac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike. Ako Dobavljač ne postupi po zahtjevu Naručioca, ugovor se raskida.

GARANCIJA ZA KVALITET ISPORUČENE I UGRAĐENE ROBE

Član 6.

Dobavljač daje garanciju na kvalitet isporučene i ugrađene robe u trajanju od 12 mjeseci.

BJANKO MJENICA ZA OSIGURANJE IZVRŠENJA UGOVORENIH OBAVEZA

Član 7.

Dobavljač je, u smislu osiguranja izvršenja obaveza po ovom ugovoru obavezan Naručiocu dostaviti bjanko mjenicu izdatu na iznos od 10 % ukupne vrijednosti ugovora i mjeničnu izjavu u kojoj je navedeno isto, kao i rok važenja do okončanja postupka javne nabavke, te ostali bitni elementi koje mjenična izjava mora da sadrži.

Član 8.

Dobavljač će garanciju iz člana 7. dostaviti u roku od 7 dana od dana zaključivanja/obostranog potpisivanja ovog ugovora. Mjenica se dostavlja u originalu. Mjenica ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko mjenica nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor smatrat će se apsolutno ništavim.

UGOVORNA KAZNA

Član 9.

U slučaju kašnjenja u isporuci i ugradnji robe do kojeg je došlo krivicom Dobavljača isti je dužan platiti ugovorenu kaznu u iznosu od 0.1 % ukupne cijene, za svaki dan kašnjenja do urednog ispunjenja, s tim da ukupan iznos ugovorene kazne ne može preći 5 % od ukupno ugovorene vrijednosti robe koja je predmet ugovora.

Dobavljač je dužan platiti ugovornu kaznu u roku od 7 (sedam) dana od dana prijema zahtjeva Naručioca za plaćanje. Naručilac neće naplatiti ugovorenu kaznu ukoliko je došlo do kašnjenja usljed više sile.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

PRIMJENA ZAKONA O OBLIGACIONIM ODNOSIMA

Član 10.

Ugovorne strane su saglasne da sve ono što nije u ovom ugovoru predviđeno, važe propisi iz Zakona o obligacionim odnosima.

RJEŠAVANJE SPOROVA

Član 11.

Eventualne sporove proizašle iz ovog Ugovora, ugovorne strane će pokušati riješiti dogovorom, usaglašavanjem, posredovanjem ili na drugi miran način u duhu uzajamnog povjerenja i poštivanja i dobrih poslovnih običaja, a u slučaju da isti ne mogu riješiti nadležan je Općinski sud u Sarajevu.

STUPANJE UGOVORA NA SNAGU

Član 12.

Ovaj ugovor stupa na snagu danom obostranog potpisivanja od strane ovlaštenih ugovornih strana.

ZAVRŠNE ODREBE

Član 13.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

UGOVORNI ORGAN

Kantonalna javna ustanova Dom
za djecu bez roditeljskog staranja

Tarik Smailbegović

Tarik Smailbegović, direktor


Broj: 2705-4/19

Datum: 26.12.2019. godine



DOBAVLJAČ

STEEL d.o.o. Zenica



Faruk Avdić
Faruk Avdić, direktor

Broj: 15-1-4/19

Datum: